

Xojon carta-la San Pablo xi ma-ne jò xi kiskiì-la xita naxandá-la Cristo xi títsajna Tesalónica

Kó tsò Pablo nga síhixat'aà jñà xita naxandá-la
Cristo xi títsajna Tesalónica

1 ¹Jñò xi xita naxandá-la Nainá maà xi títsajnaà ya naxandá Tesalónica nga ya títsajnakjoòkoo Nainá xi Nà'èn-ná kò jè Jesucristo xi otíxoma-ná, 'an xi 'mì-na Pablo títsanihixot'aà-nòjen kò Silvano [tijé-ne xi 'mì Silas] kò Timoteo. ²Nainá xi Nà'èn-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya ijìin inìma-nò.

Kó tsò Pablo nga tsjá-la kjondaà Nainá

³Ndí 'ndseé kò tichjaá mochjeén-nè nga kjit'aà nachrjein k'oií-lajen kjondaà Nainá xi it'aà tsajòn. Ndaà tjin nga k'oas'ín s'en-jen, koií kjoa-la nga nachrjein inchiòn isa ndaà mokjeiín-nò kò isa ndaà matsjacha xinguiòo nga jngodè ijngodè. ⁴K'oaá ma-ne nga ndaà matsja-najen it'aà tsajòn; k'oaá s'ín bènojímí-lajen jñà xita naxandá-la Cristo xi xìn nangui títsajna nga jñò, ndaà mokjeiín-nò kò ndaà chíkjooako-nò nas'ín 'nó fì tjingui kondra-nò xita kò nas'ín kjo'in títsanìkjioón. ⁵Ngats'iì kjoa koi, Nainá k'oaá s'ín okó nga kixi koiindaajìin; kò k'oaá ma-ne nga jñò, ok'ín-nò nga ya kítsajnajìin-là xita xi jè tíhotíxoma-la, nga tikoi-ne kjoa-la Nainá nga kjo'in títsanìkjioón.

⁶Nainá, xita kixi-né nga tsjá-la kjo'in jñà xita xi kjo'in tsjá-nò. ⁷Kò jñò xi kjo'in títsanìkjioón, tsjá-nò kjoa'nchán kò ngajen, k'e nga kjinchrobàjen ngajmii Jesucristo xi otíxoma,

tjiko àkjale-là xi 'nó tse nga'nó tjín-là nga kjinchrobàjen-jiin ni'ín. ⁸Nainá tsjá-là kjo'in jñà xita xi mìkiì beèxkón ni mìkiì síkitasòn 'én ndaà-là Nainá xi kjoa ts'e Jesucristo xi otíxoma-ná. ⁹Xita koi, 'nó tse kjo'in sílkjeiín nita kjé-ne; mì yaá kítsajna nguixkon Na'èn-ná, kò mìkiì skoe kjoajeya-là xi 'nó tse nga'nó tjín-là. ¹⁰Kjoa koi, k'oaá s'ín koma jè nàchrjein k'e nga kitjojen ijngod k'a Na'èn-ná mé-ne nga it'aà ts'e xita-là jeya kíjna-ne kò ngats'iì xita xi mokjeiín-là it'aà ts'e, ta koxkón-là. Tikoáá jñò yaá kitsajnaà, koií kjoa-là nga kòkjeiín-nò koni s'ín tsibènojmi-nòjen.

¹¹K'oaá ma-ne nga kjit'aà nàchrjein bìtsi'ba-lajen Nainá it'aà tsajòn, mé-ne nga Nainá kító nga ok'in-nò nga ya kinókjoa-nò naxandá-là nga xó k'oaá s'ín kiichja-nò. Nga kò nga'nó-là kàtasíkitasòn ngats'iì kjondaà xi jñò sasén-nò kò xá xi 'nè nga Na'èn-ná ma'nót'aà takòn. ¹²K'oaá s'ín koma nga it'aà tsajòn jeya kíjna Jesucristo xi otíxoma-ná. Tikoá jè ndaà sílkítsajna-nò koni s'ín tjín-là kjondaà jè Nainá kò jè Jesucristo xi otíxoma-ná.

K'e nga kjoí ijngod k'a-ne Jesucristo

2 ¹Ndí 'ndseé kò tichjaá, i'ndeí jè kénojmi-nòjen kó s'ín koma k'e nga kjoí ijngod k'a Jesucristo xi otíxoma-ná kò k'e nga ya koxkóyat'aà-lá. K'oaá ma-ne bìtsi'ba-nòjen ²tsà yá xita xi kító-nò nga jyeé j'iì ijngod k'a Jesucristo, kì tà nítòn mokjeiín-nò; kì tsakjoòn-là tsà yá xita xi kító-nò: k'oaá tsò 'én-là Nainá xi kjòngatsja Pablo; k'oaá s'ín chjaya, kò k'oaá s'ín kisikasén jngod xojòn. ³Kì yá xita xi konàchan-nò. Nga jè nàchrjein k'e nga okoma, ítjòn s'e nàchrjein nga jñà xita, 'nó kondra kítsajna-là Nainá. Ikjoàn ta nítóon kotsejèn jè xita xi 'nó ch'o s'iin, jè xi tjínè-là nga kjo'in sílkjeiín nita kjé-ne. ⁴Xita jè, jè xi kondra kíjna-là ngats'iì xi Nainá tsò-là xita kò nita mé-isa-ne xi beèxkón nga jè mejèn-là kíjna ítjòn. Skanda yaá kíjnaya ingo ítjòn-là Nainá koni tsà jè sobà Nainá, k'oaá kító-là yijo-là nga Nainá jè.

⁵¿A mì bìtsjeèn-nò k'e nga sa ya tsohótijnako-nò, k'oaá kixan-nò nga k'oaá s'ín koma? ⁶I'ndeí jye tjiin-nò mé kjoa xi bíchjoà ikòn-là xita jè nga mì xátí f'iì; skanda k'eé kjoí k'e nga kichóya nàchrjein-là. ⁷Jè nga'nó-là kjoach'o, jyeé tísíxá'ma i isò'nde, tanga tíjna jngod xi tíjna ikòn nga mìkiì tsjá'nde kò ta

jè chiya nga tjàxìn. ⁸ Kò ìkjoàn k'eé kotsejèn jè xità xi ch'o s'ín. Tànga Jesucristo xi otíxoma, ta jngod 'én kichjā nga tsjá-lā kjo'in nità kjé-ne. Tà ma tà jé nga ote kji nga kjoíí, jngod k'a kjoaáxìn nga'ño-lā. ⁹ K'e nga kjoíí jè xità xi ch'o s'ín, jè xità neíí tsjá-lā nga'ño nga kjìn skaya kjojkón kòkò xi mitsà kixi kjoa. ¹⁰ Siikjeén yije kjoa xi ch'o tjin nga skónachan-lā xità xi kjo'in siikjeín nità kjé-ne, koií kjoa-lā nga jñà xità koi mikiì matsjakeè xi kjoa kixi xi ma kitjokàjiin-ne kjo'in kjoa ts'e jé-lā. ¹¹ K'oaá ma-ne Nainá tsjá'nde-né nga tjna jngod xi skónachan-lā xità koi, mé-ne kàtakjeín-lā kjoa ndiso, ¹² nga kàtas'e-lā kjo'in ngats'iì xi mikiì mokjeín-lā kjoa kixi. Nguì ta kjoa ch'oó sasén-lā.

Mé kjoa-ne nga jaàjiin-ná Nainá

¹³ Ndí 'ndsè kò ndí tichjaá, mochjeén-né nga kjit'aà nàchrjein 'biì-lajen kjondaà Nainá xi it'aà tsajòn xi 'ño matsjakeè-nò Nà'èn-ná, nga xó k'oaá s'ín jaàjiin-nò Nainá kóni nga tisa tàts'en-lā kjoa, mé-ne nga kitjokàjñò-nò kjo'in, nga jè Inima Tsjeè-lā Nainá sítsjeèya-nò kò nga ndaà mokjeín-nò xi kjoa kixi. ¹⁴ Xó k'oaá s'ín kiichjā-nò Nainá it'aà ts'e 'én ndaà-lā Nainá xi kjoa ts'e Cristo xi ngajen nokjoàya-jen, mé-ne nga jñò, tikoā s'e-nò kjoajeya-lā Jesucristo, jè xi otíxoma-ná.

¹⁵ Ndí 'ndsè kò tichjaá, k'oaá s'ín kixi tìtsajna. Kì niichàajiin-jèn jñà 'én kixi-lā Cristo xi ngajen kinìkatoya-nòjen, jñà xi ta 'én kinokjoà-nòjen kò xi xojon carta tsakoàya-nòjen. ¹⁶ Aán síjèt'aà-lā Jesucristo, jè xi otíxoma-ná kò jè Nainá xi Nà'èn-ná, jè xi 'ño matsjakeè-ná nga tsjá-ná kjoajetakòn-lā xi mikiì kjoehet'aà, kò tsjá kjojtò-ná kjondaà-lā nga tijnogò takoán nga tìtsachiñá-lá. ¹⁷ K'oaá s'ín síjèt'aà-lā nga isà tse nga'ño kàtatsjá-lā inima-nò mé-ne nga isà kixi kìtsajnaà koni s'ín 'nè kjoa xi ndaà tjin kò koni s'ín nokjoà 'én xi ndaà tsò.

K'oaá tsò Pablo nga mejèn-lā sìtsi'batji

3 ¹ Xi fehet'aà-ne ndí 'ndsè kò ndí tichjaá, tìtsi'batji-nájen mé-ne jè 'én-lā Nainá nìton xkì xi ján katijchó, tikoā ndaà kàtèxkón jñà xità xi skoétjò 'én koni s'ín ki'nè jñò nga ndaà kiyaxkón. ² Tikoā tìtsi'batji-nájen mé-ne nga jè Nà'èn-ná kì kiì tsjá'nde nga ch'o siiko-najen xità ts'en kò xi ch'o s'ín, nga mì tà ngats'iì xità mokjeín-lā. ³ Nà'èn-ná xità kixi-né, síkitasòn

'én-la, kixíí s̀ikítsajna-nò t̀ikoá s̀ikinda-nò mé-ne nga mì ch'o s̀ikò-nò jè x̄ita neíí. ⁴Nga it'aà ts'e Na'èn-ná mokjeín-najen nga títsaǹikitasòn-nò koni s'ín títsahotíixoma-nòjen kò tákó k'oaá s'ín s'een-isa. ⁵Jè Na'èn-ná kàtasíchját'aà-nò nga kòs'ín t̀jòcha jchaá xinguiqo koni s'ín t̀jòkeè kijtsee-nò Nainá; kò nga kàtachíkjoako-nò kjo'in koni s'ín kichìkjoako-la Cristo.

Mochjeén-né nga kàtasíxá j̀nà x̄ita

⁶Ndí 'ndsè kò ndí tichjaá, k'oaá s'ín bìnè-nòjen, it'aà ts'e Na'èn-ná Jesucristo, kì tì ya tsjahijtako-nò j̀nà x̄ita 'ndseé kò tichjaá xi majìn-la síxá, j̀nà xi mikìi k'oas'ín síkitasòn koni s'ín t̀jín kjoá kixi xi ngajen kinikatoya-nòjen. ⁷J̀nò, jyeé t̀jjiìn-nò nga mochjeén-né nga chj́nguì-nájen koni s'ín ki'nè-jen k'e nga ya tsitsajna-nòjen; mì jyò tsitsajna-jen, kinìxá-nájen. ⁸Mítsà ta kjojtò chichi-jen. Ta saá 'nó kinìxá-jen kò nachrjein kò nitjen kinikijta-jen yijo-najen, mé-ne nga mì j̀nò s̀ijti-nòjen. ⁹Kinìxá-nájen nas'ín t̀jì'nde-najen nga sijé-nòjen mé tsojmì xi mochjeén-najen. Jè xi mejèn-najen nga chj́nguì-nájen mé-ne k'oa tís'ín s'een koni 'nè-jen. ¹⁰K'e nga tsitsajna-nòjen k'oaá s'ín ki'mì-nòjen: Tsà jngòð x̄ita xi majìn-la síxá, t̀ikoá mikìi t̀jì'nde-la nga kokjen. ¹¹Jyeé kina'ya-jen nga t̀jímajììn i'nga x̄ita xi majìn-la síxá nga tà jyò binchima, nga ta j̀nà chjajiìn chja'a ñánda mì j̀nà oko-la. ¹²J̀nà x̄ita koi, it'aà ts'e Jesucristo



Xá xi kis'iìn Pablo nga tsibíndaà ni'ya nikje

xi otíxoma-ná, k'oaá s'ín bitsi'ba-lajen, tikoá bìnè-lajen nga kàtasíxá, mé-ne nga kàtátsji'a-ne yijo-lá.

¹³Jñò ndí 'ndsè kò ndí tichjaá, kì bijta-nò nga ndaà 'nè. ¹⁴Tsà tjin i'nga xi mìkii síkitasòn koni tsò xojon jè, chítsejèn-là yá-né, kì yaá báhijtakoo, mé-ne nga kosobà-lá. ¹⁵Tanga kì k'oaá s'ín nìkoo koni jngòò xitá kondra, k'oaá s'ín tènójmíya-là nga 'én ndaà chikoo nga 'ndseé chibá.

'Én xi fehet'aà-ne

¹⁶Tijè-ne Na'èn-ná xi tsjá kjoa'nchán, kjit'aà nachrjein kàtatsjá-nò kjoa'nchán nitá mé kjoa-ne. Na'èn-ná kàtijnako-nò ngats'ioò.

¹⁷Nga jye tífehet'aà xojon jè, koo ndsaa tikjiì-nò 'an xi 'mì-na Pablo, nga tisihiyat'aà-nò. Nga k'oas'ín s'iaàn firma-na, kò k'oaá s'ín kjiaà. ¹⁸Ngats'ioò, jè kàtijnako-nò kjondaà-lá Jesucristo xi otíxoma-ná.